



REPUBLIKA E SHQIPERISE
UNIVERSITETI POLITEKNIK I TIRANES

SSP.05 STANDARDET E KËRKIMIT SHKENCOR DHE
SHËRBIMEVE

SSH.05.01 STANDARDE E PERGJITHSHME TE KERKIMIT SHKENCOR DHE ZHVILLIMIT

SSP.05.01.01 Standardi i udhezimeve te pergjithshme te kerkimit shkencor dhe te zhvillimit ne UPT

UPT duhet te realizoje kerkim shkencor baze dhe te aplikuar me ane te njesive perberese organizative, kryesore, baze dhe ndihmese.

UPT mund te kryejë veprimtari arsimimi dhe veprimtari kerkimore shkencore me interes te përbashkët në bashkëpunim me institucione të tjera akademike, institucione kerkimore-shkencore, kulturore dhe ekonomike publike ose private dhe per kete mund te marre pjese ne Qendra Nderuniversitare.

Veprimtaritë kerkimore përcaktohen në rregulloret e secilës nga njësitë kryesore, bazë e ndihmëse të UPT, dhe kryhen mbi bazën e planeve, programeve dhe projekteve të miratuara, sipas procedurave të përcaktuara në këtë statut dhe në rregulloret e vetë njesive.

SSP.05.01.02 Standardi i veprimtarive kerkimore në UPT

Kërkimi shkencor, bazë dhe i aplikuar, me interes të gjerë publik, është veprimtari që ndërmerret për të përmbushur misionin e njesive për kerkim shkencor, sipas standarteve bashkëkohore. Kërkimi shkencor bazë nënkupton studime plotësuese dhe saktësime të mëtejshme për probleme ende të pazgjidhura në fushat e veprimtarisë së njesive kryesore. Këto studime duhet të synojnë ritmet e zhvillimit teorik bashkëkohor, në koherencë me arritjet në fushat përkatëse, brenda dhe jashtë vendit. Kërkimi shkencor shoqërohet me rinovime teknologjike në fushën analitike, të përpunimit të informacionit etj., për të garantuar cilësinë dhe besueshmërinë e tyre. Veprimtaria kerkimore shkencore e aplikative është pjesë integrale e projekt buxhetit të UPT –së për çdo vit pasardhës.

Temat dhe afatet e kerkimit, drejtimet dhe vëllimi i punëve përcaktohen nga UPT dhe njësitë përbërëse të tij. Këto përcaktohen mbështetur në nevojat e zhvillimit të vendit, rëndësinë e kerkimit për arsimimin e studentëve, programet e bashkëpunimit shkencor, aftësimin e personelit akademik, si dhe burimet financiare në dispozicion.

Forma kryesore e realizimit të veprimtarisë kerkimore është projekti. Projekti është një veprimtari kerkimore që kryhet për një problem të caktuar, për një kohë të caktuar dhe në një vend të caktuar. Punonjësit kerkimorë shkencorë të profileve të ndryshme, brenda dhe jashtë departamenteve të njesive kryesore janë të lirë të grupohen e të përpilojnë projekte në përputhje me fushat e kerkimit shkencor dhe programet publike të zhvillimit të vendit apo sektorëve të veçantë, të ndjekin procedurat e caktuara për shqyrtimin e miratimit e projekteve dhe, pas miratimit, të vihen në dispozicion të zbatimit të tyre në kohë e me cilësinë e kerkuar.

Njesite kryesore të UPT hartojnë planin afat – mesëm disavjeçare të zhvillimit të tyre, në përputhje me programin e qeverisë për zhvillimin e vendit. Mbështetur në planin e zhvillimit hartohen programet vjetore të veprimtarisë së tyre, duke caktuar e vendosur raporte të drejta ndërmjet mesimdhënies e kerkimit shkencor në përputhje me misionin që ato kanë. Plani i zhvillimit paraqitet në rektorat dhe miratohet në Senatin Akademik.

UPT kryen shërbime për të tretë , si ekspertiza, analiza, këshillime, monitorime, shërbime informacioni etj. Këto veprimtari kryhen me financime të palëve të interesuara. Të ardhurat nga këto veprimtari shkojnë tërësisht në favor të UPT dhe perdoren ne masen 100% nga njesia kryesore qe e ka kryer ate sherbim.

Tarifat e studimeve si dhe të shërbimeve për të tretë propozohen nga njesia baze dhe miratohen nga Këshilli i njesisë kryesore

Masa e shperblimit te personelit pjesmarres ne kete veprimtari, përcaktohet ne perputhje me kontributin e secilit pjesmarres dhe miratohet nga Keshilli i Njesise kryesore, sipas akteve ligjore dhe nënligjore në fuqi.

Brenda tremujorit te pare të çdo viti, njësitë kryesore të UPT dorëzojnë në degën shkencore një raport vjetor për veprimtarinë kerkimore-shkencore, të vitit paraardhës. Të gjitha të dhënat e kerkimit shkencor mblidhen si shënime statistikore të standartizuara dhe ruhen në një bazë qëndrore të të dhënave të mundësuar nga Rektorati.

SSP.05.01.03 Standardi i planifikimit dhe vleresimit te veprimtarive kerkimore

Veprimtaritë kerkimore bëhen mbi bazën e planit të zhvillimit strategjik të UPT, të programeve dhe projekteve të miratuara, sipas procedurave të përcaktuara në ligjin “Për Arsimin e Lartë në Republikën e

Shqipërisë” Nr. 9741, date 21.05.2007, i ndryshuar, si dhe akte të tjera ligjore e nënligjore
Kërkesa për financimin e programit vjetor të kërkimit shkencor baze dhe të aplikuar nga buxheti i shtetit,
bëhet nga njësitë kryesore në përputhje me aktet nënligjore të Ministrisë së Financave për hartimin e
buxhetit për vitin pasardhës, paraqitet në rektorat dhe në MASH.
Performanca e punës kërkimore e të gjitha llojeve e niveleve vlerësohet nga këshillat e njësisve kryesore të
UPT dhe nga Senati Akademik
Brenda muajit tetor të çdo viti, njësitë kryesore të UPT-së, dorëzojnë në Degën Shkencore një raport për
planifikimin e veprimtarisë kërkimore-shkencore për vitin pasardhës